

Islam di Asia Tenggara

Oleh M. Zafa Yaakob

Minggu ini pelajar berpeluang meneliti dan mengkaji topik daripada Bab 7: Islam di Asia Tenggara. Dalam bab ini pelajar bukan sahaja perlu mengetahui teori kedatangan Islam di Asia Tenggara tetapi perlu juga mengkaji topik berkaitan dengan faktor dan cara penyebaran Islam serta kesan pengaruh Islam dalam pelbagai aspek seperti pemerintahan, pendidikan, ekonomi, cara hidup, bahasa dan kesusasteraan.

Contoh Soalan:

- Tulisan jawi diambil daripada bahasa Arab
- Kebudayaan Melayu dipengaruhi budaya Arab
- Persamaan kesusasteraan di Asia Tenggara dengan Semenanjung Tanah Arab

1 Maklumat di atas berkaitan dengan teori kedatangan Islam ke Asia Tenggara yang dikemukakan oleh

- A S.Q. Fatimi
- B Snouck Hurgronje
- C Emanuel Gadinho Eredia
- D Syed Muhammad Naquib al-Attas

2 Antara berikut yang manakah berkaitan dengan bukti Islam tersebar ke Asia Tenggara melalui China?

- I. Penemuan batu bersurat Terengganu
- II. Persamaan bumbung masjid di Melaka
- III. Wujud perkampung Islam Ta Shih di Sumatera Utara
- IV. Perpindahan pedagang Islam dari Canton ke Asia Tenggara

- A I, II dan III
- B I, II dan IV
- C I, III dan IV
- D II, III dan IV

■ John Crawford

■ S.Q. Fatimi

■ Snouck Hurgronje

3 Persamaan pendapat sejarawan di atas menyatakan Islam tersebar ke Asia Tenggara melalui

- A perkahwinan
- B perdagangan
- C pengislaman raja
- D pusat kebudayaan

- Batu nisan Malik Ibrahim di Gerisik, Jawa
- Batu nisan Malik al-Salih di Pasai

4 Kedua-dua batu nisan di atas adalah bukti menunjukkan Islam tersebar ke Asia Tenggara melalui...

- A India
- B Turki
- C China
- D Semenanjung Tanah Arab

5 Mengapakah kerajaan Aceh menaungi beberapa negeri kecil di Sumatera Utara dan menakluki negeri-negeri di Tanah Melayu?

- A Meluaskan empayar
- B Menguasai sumber ekonomi
- C Menyekat pengaruh Kristian
- D Menguasai perairan Selat Melaka

6 Syariff Ali Mufaqih Muqaddam memainkan peranan penting menyebarkan Islam di wialayah...

- A Brunei
- B Pattani
- C Pulau Jawa
- D Johor - Riau

- Hikayat Muhammad Ali Hanafiah
- Hikayat Amir Hamzah

7 Apakah kepentingan hasil kesusasteraan yang disenaraikan di atas?

- A Bahan penglipur lara
- B mengagungkan raja
- C Menggalakkan usaha dakwah
- D Menaikkan semangat menentang musuh

8 Bagaimanakah cara Wali Songo menyebarkan Islam di Jawa?

- I. Mengikis sifat malas
- II. Mengelak hidup mewah
- III. Menghasilkan karya kesusasteraan
- IV. Menanamkan maksud sebenar bekerja

- A I, II dan III
- B I, II dan IV
- C I, III dan IV
- D II, III dan IV

9 Apakah faktor utama yang menyebabkan agama Islam tersebar secara meluas ke Asia Tenggara?

- A Pengislaman raja
- B Keistimewaan Islam
- C Peranan pesantren
- D Peranan pusat kebudayaan

10 Mengapakah terdapat di kalangan para pedagang Islam dianugerahkan jawatan syahbandar di beberapa pelabuhan di Asia Tenggara?

- A Memiliki kekayaan
- B Bijak dalam pengurusan
- C Jujur dan bersifat amanah
- D Mempunyai hubungan baik dengan sultan

11 Apakah tujuan Sultan Mansur Syah menghantar kitab al-Dur al-Manzum ke Pasai untuk diterjemahkan oleh ulama Pasai?

- A Sesuai disebarkan kepada masyarakat
- B Mengukuhkan hubungan dengan Pasai
- C Menggalakkan ulama menterjemah kitab
- D Menjawab kemusykilan mengenai hukum agama

- Menghasilkan buku Syarabul Asyikin
- Menulis puisi Syair Perahu dan Syair Dagang

12 Maklumat di atas berkaitan dengan tokoh berikut...

- A Hamzah al-Fansuri
- B Abdul Rauf Singkel
- C Syeikh Nuruddin al-Raniri
- D Syeikh Syamsudin al-Sumaterani

13 Antara berikut yang manakah berkaitan dengan kesan kedatangan Islam dalam bidang pemerintahan?

- I. Pengenalan istilah raja
- II. Islam dijadikan agama rasmi
- III. Mufti berperanan menasihati sultan
- IV. Penggunaan unsur Islam dalam nama negeri

- A I, II dan III
- B I, II dan IV
- C I, III dan IV
- D II, III dan IV

14 Unsur-unsur Islam dalam institusi kesultanan yang diperkenalkan di Asia Tenggara diwarisi daripada amalan pemerintah kerajaan...

- I. Umiyah
- II. Abbasiyah
- III. Uthmaniyah
- IV. Fatimiyah

- A I dan II
- B II dan III
- C III dan IV
- D I dan IV

15 Antara berikut yang manakah berkaitan dengan kesan pengaruh Islam dalam aspek undang-undang?

- I. Undang-undang berasaskan hukum syariah
- II. Undang-undang syariah dilaksanakan sepenuhnya
- III. Undang-undang adat turut menjadi asas rujukan
- IV. Undang-undang berdasarkan al-Quran dan sunah

- A I, II dan III
- B I, II dan IV
- C I, III dan IV
- D II, III dan IV

16 Bagaimanakah cara Syeikh Nuruddin al-Raniri dan Abdul Rauf Singkel menaikkan semangat jihad menentang penjajah di Asia Tenggara?

- A Peperangan
- B Ekonomi
- C Penulisan
- D Pentadbiran

17 Antara berikut yang manakah berkaitan dengan kesan pengaruh Islam dalam pendidikan di Asia Tenggara?

- I. Semua golongan berpeluang mendapat pendidikan
- II. Institusi pondok diperkenalkan dalam Kesultanan Melayu Melaka
- III. Wanita mendapat peluang belajar dalam pemerintahan kerajaan Aceh
- IV. Istana menjadi pusat pendidikan formal untuk golongan bangsawan

- A I, II dan III
- B I, II dan IV
- C I, III dan IV
- D II, III dan IV

18 Apakah kesan pengaruh Islam dalam bidang bahasa dan kesusasteraan di Asia Tenggara?

- A Cerita-cerita panji disampaikan dalam bahasa Jawa
- B Tulisan jawi menjadi tulisan rasmi dalam pentadbiran
- C Fungsi sastera bertujuan untuk menghibur masyarakat
- D Penggunaan bahasa Melayu terhad dalam bidang ilmu pengetahuan

JAWAPAN MINGGU LALU

- a) Uthman bin Ertughrul b. Sulaiman Shah.
- b) Menyatukan pahlawan tentera (ghazi) dengan pemimpin masyarakat
- c) Menguasai Istanbul
- d) i. Pemimpin yang lemah
ii. Keruntuhan sistem pungutan cukai

